



KOMMUNEQARFIK
SERMERSOOQ

Ukiumoortumik nalunaarut 2019 Inuusuttunut Sullissivik

Meeqqanut inuusuttunullu ulluunerani neqeroorut:	Inuusuttunut Sullissivik
Najugaq:	Farip Aqqutaa 10 & Saqqarlernut 14
Postnormu illoqarfillu:	3900 Nuuk
Kommune:	Sermersooq
Attavissaq:	Cecile Jeremiassen
Oqarasuaat: (Toqqaanartumik normu mobilillu normua)	36 69 29 / 27 41 12

E-mail:	ceje@sermersooq.gl
---------	--------------------

1. Ulluunerani neqeroorutip suunera inillu

Siunertaq

Kommuneqarfik Sermersuup Inuusuttunut Sullissivik ulloq 1 januaari pilersippaa.

Sullissivimmi siunertaavoq Pitsaaliuinerup katsorsaasernerullu qulakkeerneqarnissaat, tassani neqeroorutit suliniutillu Oqartussaaffeqarfimmi paasineqartut ingerlaavartumik naleqqussarneqartassallutik. Inuusuttunut Sullissivimmi tamassuma saniatigut suliniutit sunniutaat uppersarneqartassapput.

Sullissivimmi meeqqanut inuusuttunullu sammisassaqaartitsinerit Inuusuttunut Sullissivimmi immikkoortortaqaarfiit akimorlugit aqqissuunneqarnissaannut periarfissat taperserneqartarput. Meeqqap inuusuttulluunniit sullissivimmi suliniutigineqarfiginera allamut nuunneqarput nuussineq pillugu qanimut suleqatigiittoqartarpoq.

Meeqqat inuusuttullu kingunerlutitsinerminnik qaangiiniarsarisut qitiusumi katsorsarneqarnissamut pitsaasumik qanimullu ingerlateqqinneqarsinnaapput, tassa katsorsaaneq allangoranngitsoq ingerlaavartorlu taamaaliornikkut taperserneqartarami ikaarsaariarnermilu toqqissisimalersitsisarluni.

Anguniakkat

- Meeraq inuusuttorluunniit kingunerluutimi suliarinissaannut ikiorneqassasoq taamaalillunilu inuunerissaarnissamut tunngavissaqalissalluni.
- Meeraq inuusuttorluunniit inuunermut piareersarneqassasoq, taamaalilluni imminut ilisimassalluni, killiliisinnaalluni, siunissamut sapiissuseqassalluni anguniagaqalersimassallunilu.
- Meeraq inuusuttorluunniit inuttut inerikkiartussasoq, anguniakkamilu qanoq angunissaannut ilinniassasoq.

Takorluukkat

Meeqqat inuusuttullu Inuusuttunut Sullissivik inuunerissaarnissamik piumassuseqarfigilissavaat. Tassani tusaaneqartutut, ataqqineqartutut paasineqartutullu misigissapput. Tassani inersimasut

meeqqanut aalajangiissanngillat, inersimasulli inuunerup pitsaassuseqalernissaannut inuunerullu ingerlateqqinnissaata patajaatsuulernissaanut meeqqat suleqatigissavaat.

Illut inillu

Inuusuttunut Sullissivik najukkani marlunni inissisimavoq: Farip Aqqutaa 10 aamma Saqqarlernut 14.

Farip Aqqutaa

Farip Aqqutaa 10 illu marlunnik qulereeqarpoq, tassani katsorsaannermut immikkoortortaarfik qaleriit siullianiilluni inuusuttunullu siunnersuisarfik naqqup iluaniilluni.

Quleriit siulliat sulisunut immikkoortortaarfimmut katsorsaannernullu immikkoortortaarfimmut avitaavoq. Sulisunut immikkoortortaarfik pingasunik ineeraqarpoq; katsorsaannermi aqutsisoq allaffeqarpoq, sulisoqarnermut allaffeqarpoq aamma sulisunut ineqarpoq/ataatsimiittarfeqarpoq. Katsorsaannermut immikkoortortaarfimmiipput igaffik, nerisarfik/ini, nutaaliornermut ini, atuartitsinermit ini, allaffik/printereqarfik kiisalu meeqqanut ataatsimik sulisunullu marlunnik perusersartarfeqarluni.

Immikkoortortaarfik nammineq isaariaqarpoq.

Naqqup ilua:

Naqqup iluaniipput igaffik, ini angisooq, nipilersortarfik aamma ini katsorsaavik/oqaloqatiginnittarfik. Sullissanut marlunnik perusersartarfeqarpoq.

Saqqarlernut 14

Illu marlunnik qulereeqarpoq. Quleriit allersaanni gangimik angisuumik isaariaqarpoq, sulisut isertarfeqarput bryggersilimmik, sullitat isertarfeqarput, pulaartunut perusersartarfeqarpoq, igaffeqarpoq nerisarfearlunilu iggavimmut atasumik. Uffarfik/sulisut perusersartarfiat ataaseq, aqutsisup allaffia, ini oqaloqatiginnittarfik aamma aanngajaarniutinik katsorsaasartup allaffia.

Nerisarfimmit qulaanut majuartarfik. Qulaaniipput ii, ini oqaloqatiginnittarfik/ataatsimoortut inaat, katsorsaaqqinnermi inuusuttunut siunnersuisartut allaffii marluk, sulisunut marlunnut ataatsimut allaffik/ataatsimiittarfik, errorsisarfik aamma uffarfik/perusersartarfik ataaseq.

Illup ataani natilerneqanngitsumik kiffiarneqarnikuunngitsumik angisuumik naqqup ateqarpoq.

Illu aqqusinermit takisuumik majuartarfeqarpoq 62-inik tummeralimmik ataatsimillu angisuumik aneersaartarfeqarluni immamut isikkivilimmik.

2. Periutsit

Inuusuttunut Sullissivik ulluinnarni piffissami 7:00-imiit 20:00-imut ammaniartarpoq, ullunilu akissarsiviusuni nal. 22:00 tungaanut.

Periuseq ataqatigiissakkamik Perorsaaneramik "low-arousal" suleriuseralugu isumassarsivigalugu sulisoqarpoq. Periuseq naatsumik oqaatigalugu tassaavoq meerartatsinnut inuusuttortatsinnullu piumasaqaatit stressereersunut stressernerulernermit pissutaassanngillat.

Piumasaqaatinik taakkuninnga eqqortitsinissamik piginnaasaannut naleqqussakkamik piumasaqaateqarnikkut aamma ataqqinnilluni, eqqissisimalluni inussiarnarlunilu suleriaaseqarluni akuersaartuunikkut meeqqat inuusuttulluunniit eqqissinissamut, imminnut ilinniarnissaannut ingerlatsinerillu naammassinissaannut ikiortassavagut.

Suleriaaseq tassaavoq katsorsaanermit avatangiisit tunngaviginerat, tassa inuunermit ilikkagaqarnartumik avatangiiseqarneq, tassani inuit ataasiakkaat ulluinnarni inuuneranni pissutsit tamarmik imatut aqqissuunneqartarlutik, meeqqap inuusuttulluunniit siuariartornera taperseerseqartarluni taassumalu pitsaasumik allanngortitsinissaa siuarsarlugu.

Meeqqanut inuusuttunullu ataasiakkaanut katsorsaanissamut pilersaarut aqqissuunneqarpoq, tassani anguniagaqartoqartarluni anguniakkallu immikkoortoqartarlutik, qaammatillu pingasukkaarlugit ingerlaneq nalilersorneqartarluni, tamassuma kingorna killiffik pillugu nalunaarusiortoqartarpoq, naleqquppallu katsorsaanissamut pilersaarut nalilersoqqinneqartarluni.

2019-imi sullitatsinnut sammisanik suliniutinillu assigiinngitsunik ingerlataqarnikuuvugut:

Paatusuumi illuaqqatsinnut suliniuteqarluni angalanerit sisamat Narsarsuarmullu suliniuteqarluni angalaneq ataaseq. Meeqqat katsorsaanermit immikkoortortaqaqarfimmiittut tamassuma saniatigut Sisimiuni GM-imut angalanikuupput.

Suliniutitut aamma inuusuttut utoqqaanerusut pingasoriarluni aavartinneqarnikuupput, tassani inuusuttut ilaat tanngassimaarutigisaminnik siullermeerlutik piniariarlutik.

Aalisariartoqartarnikuuvoq, nunaqarfikumut Kangermut angallammik angalasoqartarnikuuvoq, qajartortoqarnikuuvoq, aallaartoqartarnikuuvoq Neriunamilu savaateqarfik tikeraarneqarnikuulluni, mountainbiket atorlugit sikkilerluni angalaartoqartarnikuuvoq ullunillu sisorarfinnik aaqqissuisoqartarnikuulluni.

Inuusuttut tamarmik timigissarnissamik neqeroorfigineqartarput, arlallillu neqeroorut taanna atortarnikuaat, tassani inuusuttunut siunnersortit peqatigalugit sapaatip akunneranut arlaleriarluni sungiusartarput.

Tallimannorneq allortarlugu ulloq akissarsiviugaangat inuusuttunut immikkut sammisaqartitsinermik aaqqissuisoqartarpoq, tassani inuusuttunit nuannarineqaqisumik pingaartumik ataatsikkut filmeriartoqartarluni.

Sammisaqarnerni tamani sammineq nammineq pinnagu inuusuttunut siunnersortit inuusuttullu akornanni attaveqaleriartortoqarnissaa. Atassuteqarnikkut inuusuttut ilitersorusunneqartalersarput inuttullu ineriartorlutik.

Sulisussarsiortarneq piginnaangorsarnerlu 2019-imi tamarmi sammineqarnikuupput.

Tassunga atatillugu oqaatigineqarsinnaapput:

Angalaqatigiittartut meeqqanik suliaqartut ilisarititsillutik ataatsimiititsinikuupput, immikkoortoqarfinnilu tamani kinguaassiuutitigut innarliisarneq pillugu ulloq sammisaqartitsinikuullutik.

Katsorsaasarnermut immikkoortortaqaqarfimmi sulisut PTSD imminullu toquttarneq pillugit oqalugiartuniinnikuupput.

Sulisut immikkoortui tamarmik KangSkimi illuaqqami ulluni teambuildingeqarfinni peqataanikuupput.

Katsorsaasarnermut immikkoortortaqaqarfinni sulisut unnukkut teambuildingeqartarnikuupput.

Inuusuttunut siunnersuisoq ataaseq najukkami perorsaasutut ilinniarnini aallartinnikuuua allallu "ulloq unnuarlu paaqqinnittarfimmi sulisutut" ilinniarneq malinnaavigalugu.

Sulisut pingasut aangajaarniutitut pillugit sulisutut pingaarnertut ilinniarneq naammassinikuuuat sulisullu marluk aangajaarniutit katsorsaasusut ilinniarneq naammassinikuullugu.

Sulisut pingasut allat coachitut ilinniarneq naammassinikuuuat.

Sulisut marluk ART traineritut (Agression replacement Training) immikkoortortaqaqfinni tamani atorneqartussaasumik ilinniarneq aallartinnikuuuat.

3. Ineriartorneq, atugarissaarneq pissusilersortarnerlu.

Oqaloqateqarnermik immikkoortortaq:

2019	Ukiup aallartinnera ni aallartereersut	Innersuunneqartut	Aallartinnikut	Unitsitsisut	Naammassisut	Ukiup naanera ni ingerlatsisut
Oqaloqateqarnermik immikkoortortaq	6	4	2	2	5	1
Inunnik ataasiakkaanik tarnip pissusaanik immikkut ilisimasallip katsorsaana	0	18	15	3	2	13
Katillugit	6	22	17	5	7	14

Ataatsimut isigalugu meeqqat Inuusuttunut Sullissivimmut attaveqarnertik nuannaraat.

Aallartisarnermi misigissutsiminnik sakkortuunik artorsartartut kamarujussuuartartullu akuttupput. Meeqqat ilaat ingerlatsinermi kingusinnerusukut kamaqqajaanerusarput.

Pingaartumik niarsiaqqat anginerit naggataatigut suleqatigiuminaannikuupput, tassa suliniutitut akersuuttaramik.

Meeqqat tamarmik sulisunut tatiginnikiartulersarput inuunerminnilu toqqissisimanermik ingerlaavartumillu ingerlanermik misigisaqarsinnaasarlutik. Amerlanerit psykologimik oqaloqateqartarnikuupput, meeqqallu ilaasa misigissutsitik ajornakusoortut piffissap ingerlanerani oqaasinngortinnissaat pikkoriffiginikuulerlugu.

Inuusuttunik siunnersuisarneq:

Immikkoortorta qarfirmi ineriartortitsineq arriinnikuuvoq siumukarfiullunili. Inuusuttut ilaat pisariaqartitsiunnaaramik soqutiginnikkunnaaramilluunniit anguniakkatilluunniit angunikuugamikkit uninnikuupput. Inuusuttut nutaat takkunnikuupput; inuusuttunullu siunnersortiminnut pitsaasumik atassuteqaleriartornikuullutik, tassani oqaloqatigiinnerni ammartarnikuupput sammisaqartitsinernilu arlalinni peqataasarlutik.

Inuusuttunut siunnersuisoqarfirmi niviarsiaqqat inuusuttut ilaat aseruutaasumik aamma/imaluunniit imminnut aseruutaasumik pissusilersortarnertik pillugu suliariuminaatsorujussuupput; inuusuttunullu siunnersortit taakkununga atassuteqaannartarnikuupput inuunerannilu toqqissisimatitsinikuullutik.



Illartinnikut	Unitsitsisut	Naammassissut	Ukiup naanerani ingerlatsisut
11	5	2	26

Malitseqartitsineq:

Inuusuttut malitseqartitsivigineqartut nammineq inuunermik ingerlatsisinnaassutsiminik ineriartortitsinikuupput. Ingerlaneq ilaannut sivisuumik sakkortuumik ingerlanerunikuuvoq, arlalilli "illuatungaanut pinikuupput", suliffeqarlutik ilinniarnermilluunniit ingerlatsillutik.

Inuusuttut ilaat ilaajunnaarnikuupput, tassa inuusuttunut siunnersortinik suleqateqarusunnginnamik isumaqatigiissutitillu inuusuttunut inissiaqqat tamarluinnangajaasi eqqortinnikuunagit.

Inuusuttut inuussuttunut siunnersortiminnik ataasimut isigalugu pitsaasumik attaveqarput, namminerlu ineriartornissartik sulissutigerusullugu.

Inuusuttut ilaasa meeraanermi misiginikuusatik qaangerniarsaraat tarnip pissusaanillu ilisimasalimmik oqaloqatigineqartarlutik, amerlanerilli inuusuttunut siunnersortimit ilitsersorneqartarput.

2019	Ukiup aallartinnera ni aallartereers ut	Innersuunneqart ut	Aallartinnik ut	Unitsitsis ut	Naammassiss ut	Ukiup naanera ni ingerlatsi -sut
Inuusuttunut inissiaaqqaniingits ut	4	5	2	1	1	8
Inuusuttunut inissiaaqqaniittut	2	10	9	2	1	8
Katillugit	6	15	11	3	2	16

Aangajaarniutininik atornerluisunik katsorsaaneq:

Inuusuttut malitseqartitsivigineqartut ilaat aangajaarniutininik atornerluinermut katsorsarneqarnissamik neqeroorfigineqarnikuupput. Tassani malitseqartitsinermit sulisut aangajaarniutinullu katsorsaasartut qanimut suleqatigiipput.

Inuusuttut malitseqartitsivigineqartut Paatusuumi illuaqqamut suliniuteqarluni ataatsikkut angalasarnikuupput kiisalu inuusuttunut sullissivimmi namminermit nerisassiteqatigilluni, nereqatigiilluni oqalugiartoqartarlunilu ataatsimut aqqissuisoqartarnikuuvoq.

Aangajaarniutininik atornerluisunik katsorsaasarnermut immikkoortortaqaarfik oqartussaaneermut immikkoortortaqaarfimmit innersuussisoqarnikuunngimmat "nammineq" sullissaqarnikuunngilaq. Taamaammatt neqeroorut neqeroorutitut ammasutut allanngortinneqassaaq, oqartussaaffiup avataani suliaqarfiit innersuussinissamut aamma periarfissaqassallutik. Assersuutigalugu

tassaasinnaapput atuarfinni isumaginninnermi siunnersortit, meeqqat angerlarsimaffii, Majoriaq il.il.

4. Nakuusertarnermut/nakuuserniartarnermut tunngatillugu suliniutaasinnaasut.

Inuusuttunut Sullissivimmi pillaanerit imaluunniit/aamma kinguneqartitsinerit atorneq ajorpagut. Inuusuttunut Sullissivimmi tassunga taarsiullugu sakkut atorneqartarput, soorlu eqqissisimaneq, tatiginnineq, allat misigissusaannik paasinnittarneq aamma "tasisuasooq takisooq". Meeraq inuusuttorluunniit "nammineq sinaakkutimi" avataaniissimagaangat iluamik ingerlaqqilernissaq attaveqaqatigiinnerlu pilerseqqinniarlugu meeraq inuusuttorluunniit kisimeeqatigineqartarpoq. Aatsaat allanik periarfissaqavitsinnagu, meeqqap inuusuttulluunniit pisattanik aserorterinera imaluunniit inuusuttunik allanik sulisunillu ajuallatsitsinera unitsinniarlugu timikkut pissaaneq atortarparput.

5. Kommunik suleqateqarneq

- Aallartinnginnermi innersuussinermi immersugassaq suliassanik suliarinnittartup immersortarpar, Inuusuttunut Sullissivik taamaalilluni inuusuttoq pillugu sapinngisamik annertuunik siumut paasissutissanik peqarniassammat. Aamma inuusuttup aallartinnginnerani iliuusissatut pilersaaruteqartoqassaaq. Kingullertut taaneqartoq piffissami sivisuumi suliarineqarajuttanngimmat, inuusuttut arlallit oqartussanit iliuusissatut pilersaaruteqartinnagu inuusuttunut sullissivimmi aallartittarput.
- Suliassanik suliarinnittartut akuttunngitsumik attaviginiarneqartarnikuupput qaammatillu pingasukkaarlugit piffissap qiterparnerani nalilersuisoqartarluni, tassa suliassanik suliarinnittartoq amerlanertigut peqataasarluni.
- Kommunimi neqeroorutinut allanut qaqutigut suleqateqartoqarnikuuvoq, soorlu BFC aamma Ivaq (Siusissukkut Suliniuteqartarneq).

6. Allanik suleqateqarneq.

Atuarfiit inuusuttut atuarfigisaat suliassaqarfiit akornanni ataatsimiittoqartarpoq, suleqatigiinnerulli immikkoortua taanna ineriartortinneqassaaq.

Taamaaliorinnaasoqartillugu inuusuttoq qanoq innersoq, qanoq pisoqartarnersoq, siuariartortoqarnersoq il.il. angajoqqaat ilisimatinnerisigut angajoqqaanik suleqateqartarpugut. Angajoqqaat qatanngutillu inuusuttoq inuusuttullu Inuusuttunut Sullissivimmi attaveqartarfia peqatigalugit ingerlatsinermi nereqatigiinnissamut ikinnerpaamik ataasiarlutik aamma qaaqquneqartarput.

Suliniuteqarluni angalanerit aqqissuunnerannut atatillugu Kujataani Blue Ice aamma Narsarsuarmi savaateqarfik suleqatigilluartarnikuagut.

Nuka Din Tøjmand meeqqanut atisanik atortunillu akikilliliilluartarnikuuvoq.

NDP-supply aamma Iserit a/s nangitseqqilluni katsorsaannermut immikkoortortaqaarfimmuut inuusuttunut inissiaaqqanut atatillugu suleqatigineqarput.

7. Sulisoqarneq

2019-imi sulisut pillugit paasisutissat	Piffissaq tamaat sulisut amerlassusaat	Piffissap ilaani sulisut amerlassusaat (tiimermu-siallit)	2019-ip ingerlanerani atorfinitsitsinerit (nuuttuunngitsut)	2019-ip ingerlanerani atorfinitsitsinerit (Kalaallit Nunaannut nuuttut)	2019-ip ingerlanerani suliunnaartut (nuuttunngitsut)	2019-ip ingerlanerani suliunnaartut (Kalaallit Nunaannut nuuttut)	2019-imi atorfiit inuttaqanngitsut amerlassusaat (ukiup naanerani)
Perorsaasut ¹	2	0	0	0	0	0	0
Isumaginninnermi ikiortit	1	0	1	0	0	0	0
Perorsaanermi sulisut ilinniarsimasut allat ²	7	0	4	2	1	0	1

Perorsaanermi ilinnarsimangitsut katillugit ³	6	0	2	0	0	0	1
Sannavimmi assistentit katillugit ⁴	0	0	0	0	0	0	0
Teknikikut allaffissornermi sulisut katillugit ⁵	0	0	0	0	0	0	0
Sulisut allat ⁶	0	1	0	0	0	0	0
Sulisut katillugit, forstanderi ilanngunnagu	17	1	7	2	1	0	2

8. Sulisut atugarissaarnerat immikkullu ajornartorsiutaasinnaasut

Sulisut aalajangersimasut tamarmik ukiup affaani sulinikut ukiup ingerlanerani MUS-imi oqaloqatigineqarput. Sullissivimmi aqutsisup tamassuma saniatigut sulisut ataasiakkaarlugit qaammammut ataasiarluni oqaloqatigisarpai. Sulisut ataatsimoortillugit suliamik ingerlatsinermi qaammammut ataasiarlutik tapersersuilluni oqaloqatigineqartarput, ajornartoortoqartillugulu inuit ataasikkaarlugit tapersersuilluni oqaloqatigineqarnissaannik periarfissaqarpoq. Sulisut tamassuma saniatigut kommunimi tapersersuilluni oqaloqatiginnittartumit suliamut atatinngagu tapersersorneqarlutik oqaloqatigineqarnissamut

periarfissaqarput,
Inuussuttunut
aaqqissuussaanera
annertuumik

Sullissiviup



allanngortinneqarnikummat , tassani init atornerqartut, piffissat suliffissat sulisunillu amerlassusiliineq annertuumik allanngornikuullutik, sulisut ilaat inuusuttunut siunnersortitut sulisunillu nutaanik suleqateqarnermik ajornartorsiuteqarnikuupput.

Immikkoortortaqrarfiit sisamat akimorlugit immikkoortortaqrarfinilu ataasiakkaani sulisut suleqatigiinnermik misigiartulernissaat immikkut ajornartorsiutaanikuuvoq. Teambuildingimik anguniagaqarluni suliaqarnikkut sulisut immikkoortuisa aqqissuussaannermi nutaami pimoorussillutik sulinissaat iluatsinnikuuvoq.

9. 2019-imi iluarsaassinerit aningaasartuutillu annertunerit allat

Saqqarlernut 14-imi illu kukkusumik sanasoqarnikuunera qalianilu igalaat sermertarnerat pissutigalugit immattoortarnermik suli ajornartorsiuteqartoqarpoq. Ajornartorsiut taanna 2019-ip naanerani suli aqqinneqarnikuunngilaq.

Illut taakku marluk pequsersorneri pitsanngorsarneqartussaaniikuupput, qalipaasoqarnikuuvoq pequtinillu nutaanik pissarsisoqarnikuulluni.

Farip Aqqutani iluarsaassinerimut allanngortiterinermullu atatillugu annertuunik aningaasartuuteqartoqarnikuunngilaq.

10. Siunissamut kissaatit

Sunngiffimmi sammisaqartitsinerit:

- Immikkoortortagut tamaasa eqqasaatigalugit kissaatigaarput meeqqat inuusuttullu ukuiunerani silami sunngiffimmi amerlanerusunik sammisaqartinniarlugit sisoraatiniq apparnermut sisorarnermullu piffissamik atuisoqarnerussasoq

- Aalisarnermut qaannanik pissarsinikuuvugut 2020-milu upernaakkut taakku atulernissaat kissaatigaarput.

-Qoornumi Paatusuumilu illuaqqat inuusuttut illoqarfiup qimannissaanik pinngortitaammiinnissamillu periarfissinniarlugit atornerunissaat kissaatigaarput. Tamanna pissutigalugu umiatsiaararput ukioq tamaat immakkut angalasoqarsinnaatinniarlugu ukioq manna nunamut qaqqinneqarnikuunngilaq.

Iluarsaassinerit:

Oqaloqatiginninnermut immikkoortortaqarfiup Farip Aqqutaanut nuunneqarnerata kingorna kissaatigaarput iggavik allanngortillugu sananeqassasoq allilerneqassasorlu, taamaalilluni ataatsimut sammisaqartoqartarniassammat, soorlu meeqqat peqatigalugit nerisassiorneq iffiornerlu.

Saqqarlernut 14-imi naqqup ataani angisuumi kissaatigineqarpoq taluliisoqassasoq, taamaalilluni talusaq kiassarneqarsinnaaniassammat sananermullu il.il. sannavimmik pilersitsisoqarniassammat.

Pikkorissarnerit:

Perorsaanermik meeqqanillu annertuumik kingulerlutsitsisunik katsorsaasaarnermik amerlanernik pikkorissaasoqartarnissaa kiisalu stressip iliuseqarfigineqartarneranik pikkorissaasoqarnissaa kissaatigaarput.

Immikkoortortaqarfinni tamanni teambuilding ingerlanneqarnissaa kissaatigaarput.

Sulisut tamaasa kisimeeqatigalugit Nuuk qimallugu ulluni arlalinni teambuildingertoqarnissaa kissaatigaarput.

11. Tamalaat

1) Saqqarlerni sulineq meeqqat sakkortuumik qisuariartartut sulisut peqatigissallugit piginnaasaqarfigerpiangisaat pillugu ajornartorsiuteqarfiunikuuvoq.

2) 2019-ip ingerlanerani sulisut patajaatsut, pikkorissut aalajangersimasullu nassaarinikuuagut.

3) Pissutsit nutaat sungiukkusuppagut piumassuseqarlutalu, tassani Saqqarlernut Inuusuttunut Sullissivimmi immikkoortortaalernekuulluni, immikkoortortaqarfiilu marluk Farip Aqqutaa 10-mut nuunneqarnikuullutik.

4) Ilimagaarput sulisut immikkoortortaqarfiit akimorlugit suleqatigiittut suleqatigiissinnaalissasut.